

UGOVOR O ODRŽAVANJU ELEKTROINSTALACIJA

zaključen između ugovornih strana:

1. **Mašinski fakultet Sarajevo, Ul. Vilsonovo šetalište 9.** ID/PDV broj:4200415950008, kao naručilac radova (u daljem tekstu: **Naručilac**) koga zastupa prof.dr. Izet Bijelonja dekan
2. **OD "ELEKTRO CILOVIĆ" Ul.Vilovačka br.13,** 72244 Tarčin, Općina Hadžići, ID broj:4301497690000 kao izvršilac radova (u daljem tekstu **Izvršilac**) koga zastupa Nihad Cilović direktor.

Član 1.

Predmet ovog Ugovora je nabavka usluga održavanja elektroinstalacija, na objektu Mašinskog fakulteta Sarajevo, do kraja 2020.godine, u skladu sa Odlukom o nabavci broj:06-VL-3106/20 i upućenim Zahtjevom za dostavljanje ponuda broj:06-VL-3108/20, od 12.10.2020.godine, opisom, tehničkom specifikacijom i prihvaćenim uslovima, i prihvaćenom Ponudom Izvršioca broj:1/10,2020, od 13.10.2020.godine, koji se nalaze u prilogu i čine sastavni dio ovog Ugovora.

Član 2.

Izvršilac se obavezuje da će usluge održavanja elektroinstalacija iz člana 1 ovog ugovora izvršavati, u skladu sa određenim uslovima i prema stvarnom stanju i potrebama **Naručioca**.

Izvršilac se obavezuje da će sve usluge vršiti savjesno i odgovorno, u skladu sa važećim standardima koji se odnose na održavanje elektroinstalacija i provoditi druge odgovarajuće aktivnosti u okviru ponašanja dobrog privrednika.

Izvršilac se obavezuje, da neće zapošljavati, u svrhu izvršenja ovog Ugovora, fizička lica koja su učestvovala u pripremi Tenderske dokumentacije, najmanje šest mjeseci po zaključenju predmetnog Ugovora, odnosno završetku pružanja usluga po ovom Ugovoru.

Član 3.

Naručilac se obavezuje da će obračun i plaćanje izvršenih usluga na održavanju elektroinstalacija, vršiti prema stvarno pruženim uslugama, po jediničnoj cijeni rada, i to za 1h (60 minuta)= 13,00 KM (bez PDV-a)

Ukupna vrijednost nabavke predmetnih usluga održavanja elektroinstalacija, na objektu Mašinskog fakulteta Sarajevo, do kraja 2020.godine, neće preći iznos od = 3.000,00 KM, (sa uključenim PDV-om)
Slovima:trihiljade KM

Član 4.

Naručilac i Izvršilac su saglasni da se plaćanje vrši periodično, po prijemu uredno izvršenih usluga, u roku od 30 /trideset/ dana od dana prijema uredno ispostavljene fakture, od strane Izvršioca, sa odgovarajućim zapisnikom o uredno izvršenoj usluzi, koji potpisuju obje Ugovorne strane.

Faktura će se ispostavljati po izvršenoj usluzi.

Član 5.

Ugovorne strane su saglasne da će se realizacija ovog ugovora vršiti u duhu međusobnog povjerenja i sa pažnjom dobrog privrednika.

Izvršilac se obavezuje da izvrši predmetne usluge u skladu sa važećim standardima.

Član 6.

Na eventualne primjedbe, uslove raskidanja ugovora, izvršenje obaveza Izvršioca usluga i Naručioca usluga po ovom ugovoru će se primjenjivati relevantne odredbe Zakona o obligacionim odnosima i drugi odgovarajući standardi, koji se primjenjuju na ovu vrstu ugovora.

Član 7.

Eventualne sporove, nastale iz ovog ugovora, ugovorne strane će rješavati sporazumno, u protivnom je nadležan sud u Sarajevu.

Član 8.

Za sve što ovim ugovorom nije definisano primjenjuju se odredbe Zakona o obligacionim odnosima.

Član 9.

Ovaj ugovor je sačinjen u 4 (četiri) istovjetna originalna primjerka, po 2 (dva) za svaku ugovornu stranu.

Za Naručioca
dekan



Prof.dr. Izet Bijelonja

Br: 06-VL-3182/16
Datum: 18.10.2020

Za Izvršioca
direktor

Nihad Cilović

Br: _____
Datum: 16.10.2020